

Pravoslavni Studii Vnii. Izv. 1911.

Promotivni Ordin. Ruk. 1911.

1911. 14. 10. 1911.



1196

kat.komp.

I. Mon. St. D.

P

Туроболски Паули Парин: Хрыотечуор
сен Honorarium ex principis Academia
sea garax lapidibus elaborantur.

Biblioteka Jagiellońska



stdr0001087



XAPHΣTEPIΩN

S E V

H O N O R A R I V M.

Ex præcipuis Academicæ gazæ lapidibus
ELABORATVM.

NOBILIBUS VI. ^{AC} ADOLESCENTIBVS

Nomine Almæ Matris Academiæ Cracouiensis.
Emeritæ Virtutis & gratulationis ergò.

DVM PER

Excellentissimum ac D. Etissimum Dominum,

D. IOANNEM MACHATAR

De Wischoujâ Morauum Phil: Doct: Colleg: Min.

Primâ in Artibus & Philosophiâ Laureâ,
In frequentissimo Illustrium Hospitum confluxu
INSIGNIRENTVR.

PAULO CASIMIRO TUROBOLSKI,

eiusdem Laureæ Candidat.

Lyrici Concentûs Applâusu

PRÆSENTATVM.

Anno p̄st Christum Natum, 1661. III. Idus Octobris.

C R A C O V I Æ,

In Officina Apud Viduam Lucæ Kupisz, S.R.M. Typ:

IN VOTVM APOLLINEVM.



Hos, decorata quibus, Phæbea Corona lapillos,
 Virgo, Tuis supplex vult rutilare; comis.
 Inuidiæ nullâ poterunt rubigine lædi,
 Hos texisse velis, si bonitatis ope.
 Ergo quò faueas operi ô Regina Polorum,
 Sine gemmæ Capiti sitq; Corona Tuo.

LVCAS FOGLINSKI, Stud.: Dialect.

1196 I



AUGUSTISSIMO DITISSIMOQUE
Cæli & Terræ Diuinæ & Humanæ felicitatis
GAZOPHILACIO.
DEI PARÆ VIRGINI MARIÆ
Poëta & humillimus cliens
Debiti muneris ergò.



HONORARIUM, quod ex pretiosis lapidibus literatæ
Virtuti consecratis, compositum est, ex duplici ratione, sub Tuo pa-
trocinio, in lucem fuit proferendum, Beatissima MATER &
Virgo MARIA. Et primò quidem quod me Tuae Maiestatis
humile mancipium, tot indies, in horas, in momenta beneficijs ob-
strictum esse sentiam: qui à teneris iam inde annis, varijs & ex-
tremis iactatus periculis, semper agnitum, nunquam condigno Ve-
nerationis cultu, regravificatum expertus sum patrocinium: tum verò, quod exiguo huius
opusculo, aliquot pretiosos lapides, egregijs dotibus Laureatæ Iuuentutis Academicæ, mu-
neris ergò oblatos, nouerim esse insertos. Quos dum in publicam mittere lucem gestia-
ne alicubi maleuolis impetantur animis, hoc mihi cum illis faciendum esse putauis, quod
seduli thesaurorum cultores, cum suis diuitijs, facere consueuerunt. Illi etenim, astutæ
mortalium cupiditatis, suis semper inimicæ gazis, probè ignari, quo eas reddant tutiores,
quid non faciunt, quid non moliantur? Alij firmissimos extruunt fornices, alij profun-
dissimos effodiunt scrobes, celsas alij, conscendunt turres, munitas arces, abdita terra la-
tibula, imperuias specus scrutantur alij prorsus.

Auri sacra fames quid non mortalia cogit,
Pectoral

Cum Sichæo inter templum & altare Pjgmalionis se impeti pugionibus patiuntur: cum Sardanapalo inter ignes, misera Erebo Victima concidunt: cum Didone Vastis Oceani flu-
 etibus infelicem diuitiarum gratiâ retinendarum committunt animam. atq; adeo retinendi
 cupidine ardent; vt nihil intentatum, nihil imperuium relinquunt. Ego vero, cum hoc
 exili ingenij mei partu, pretiosos aliquot lapides, videam contineri; ex eoq; tantum ali-
 quod ijs præsidium, requirendum esse existimem: indignum putavi, eos, non in Te, præ-
 potentis DEI Tabernaculo, tanquam tutissimo præsidio collocare: in quo omnis Splendor
 & gloria Patris, & Sapientiæ diuinæ Thesaurus, feliciter requieuit, diuq; & sine labe per-
 mansit. Quæ enim esset ratio, quæ mens, quod consilium! requirentis patrocini-
 um præter mittere clientelam? quâ nihil facilius ad assequendum, nihil certius ad retinendû,
 nihil tutius ad possidendum, probè nouimus mortales. Quid verò optabilius, quàm in Tuo con-
 quiescere sinu, quæ æquabili animo, Dauid & Oedipum Cræsum & Irum, sub Tuum consu-
 gientes patrocini-um, omnes complecteris. Quid beatius, quàm Te habere patronam, quæ
 perituris mortalibus, tempestiuum semper ades auxilium! Quid deniq; felicius, quàm
 Tibi deuouere ingenij primitias, quæ omnem doctrinæ & ingenij thesaurum, & felix
 ac fortunata possides, & clemens ac benigna pro Tuo arbitrio postulantibus elargiris.
 Felix olim dici potuit Homerus, cuius Iliadem, iudicium Alexandri Magni, in aureo Darij
 Scriniolo collocauit. Felix Maro in suis operibus, per se igni destinatis, per Augustum ve-
 rò Romanum Imperatorem, immortalitati referuatis. Felices & illi, quorum Volumina,
 in Romanum illud peraugustam Archiuum, solennitèr deferiebantur: at si eorum consi-
 deremus felicitatem, qui se, cum ingenij sui fructibus, in Tuam consugientes clientelam,
 Tibi deuonebant; Cimmerijs persimilem tenebris & Homeri & Maronis felicitatem ad-
 uertemus. Quare pingant alij æternitati, cum Apelle: subscribant Mecænatibus cum Ho-
 ratio: inscribant æternum duraturis marmoribus cum Præsitate; mihi satis erit, si exi-
 guum hoc ex lapidibus constructum Honorarium in Tuis deposuero manibus. Fatear qui-
 dem Regina Cœli & Terræ indignum Munus; at benignitatis Tuae conscia mens, non
 finit Me Tuam vereri Maiestatem; cuius non tam Encomiastes elogia recensere quàm
 Venerabundus cliens in numerabilia beneficia, Votis ac desiderijs cobonestare intendo. Non
 dedignaberis itaq; Benignissima Mater & Virgo dare reuerenti veniam, concedere suppli-
 canti fauorem, tribuere clienti patrocini-um, qui ad Tuos promoluit, pedes æternam ma-
 iestatem Tuam Maiestatis.

Denotissimus & humillimus

Cliens,

PAVLVS CASIMIRVS TYROBOLSKI

Primæ Laureæ Candidatus.

PRECIOSISSIMO NITIDISSIMOQ;

E cœlestis gazæ gemmis & lapidibus

V N I O N I

D. IOANNI CANTIO.

Votivum Melos.

Dive, qui nostræ, decus & corona
Laureæ, semper coleris IOANNES:
Sume, quod grato, pia Musa promit,
Pectore munus.

Non, quod auratis rutilans arenis,
Fert Tagus, gemmisquè nitens Hydaspes:
In Tuas, sed quod resoluta laudes,
Laurea mittit.

Quod percussis Aquilo procellis,
Disijcit nunquam, furibundus Auster,
Illud haud tangit; manet inquieto
Pectore semper.

Indiæ gemmas, Arabumq; gazas,
Ipse, Virtutis pretio, metalla,
Cuncta præcellis; pia gratiarum
Munera pandens.

At Tuæ, munus, soboli Palestæ,
Craciæ, deest par. veneratur alma
Voce, Te supplex; & amica semper,
Vota recenset.

A3

Vota

Vota, quæ cernis pietate gazas
Persicas vincunt: cape Sancte Doctor;
Præmijs nostris faucas, bonoque
Fine coronas.

Lechiæ Sydus, Charitumq; splendor,
Quem Parens, Patrem vocat in periclis:
Te Ducem præstes, Triuiæ cohorti,
Laurea poscit.

CLARISSIMIS & EXCELLENTISSIMIS DOMINIS,

D. EXAMINATORIBVS.

Clarissimo & Excellentissimo DOMINO

D. IACOBO BALTAZAROWIC,

Collegæ Maiori Facultatis Philosophicæ Decano.

Clarissimo & Excellentissimo DOMINO,

D. STANISLAO MAKOWSKI,

Collegæ Maiori, Canonico ad Ædes D. ANNÆ Crac.

Gemma gratitudinis.

*Q*uidquid vel Indus, vel quid Arabia,
Auroq; spumans Hesperius Tagus,
Gemmisq; Splendens, ditibusq;
Continet Hebrus, aquis superbus.

*Quidquid recondit, Tessala purpura
Tellus ferax & gemmiferis opum,
Pontus sub undis quidquid ambit,
Assyrijsq; latet sub aruis;
Vestri labores hoc sibi vendicant,
O erudita lumina Pallados,*

Digniç

Dignique sede celsiore

Quàm Nemees domitor leonis.

BALTAZAROWIC Pieridum decus.

Stoæ MAKOWSKI Sydus amabile

Quæ Vestra Virtus! qui labores?

Tespiadum sacer ordo, narret.

Victâ refedit Gorgone, Perseus,

Fessusq; Lerna, cœdibus Hercules,

Herosq; Dardanus, quieuit.

Tristia Tartara, ubi reuisit.

Vos semper ultra. Sic Macedo potens,

Orbis subacti grande tulit decus.

Hac arte, Polux Romulusq;

Aethereas petière sedes.

Procul sit ingens gloria Dardani.

Procul triumphus, de nece Gorgonis,

Suadeq; Tullij, procul sit,

Laurea, Aristotelusq; palma.

Aeterna Vobis Laurea nequitur,

Gemmisq; & auro gratior optimo

Fertur corona, iam puer Phryx,

Ambrosiam lous, administrat.

Vos multa spectat, sydere celsior

Laus, atq; merces ditior Indicis,

Gazæ, lagellonæ Palastræ

Lumina, deliciæq; Phæbi,

Ad

Ad Excellentissimum & Doctissimum Dominum,

D. JOANNEM MACHATAR,

Collegam Minorem, dignissimum & Examinatorem &

PROMOTOREM.

Q Vis desiderium Tespiadum chori?

Quis Te constituit Ducem?

Aut quis, Te voluit præesse Academicis,

MACHATAR bone Laureis?

O splendens Sophicæ lux Sapientiæ?

Credo Numine prospero,

Factum vel precibus, laurea CANTII.

Supplex, hocce decus tulit.

Nunc Te conspicuum prosequitur ducem,

Votis, Pieridum cohors:

Qui mercede piâ, digna laboribus,

Pendis Munera, Laureas.

Felix ergo polos, laude Satur Tuâ.

Et Sanctas superûm domos,

Scandens enumeres aurea sæcula,

Famâ sydere celsior.

V. D. THOMÆ AYCHINGIER. *Crac.*

*ECHITES seu AQVILEVS Lapis, innido Aquilæ collocatur, coloris purpurei:
iuxta littora Oceani reperitur. Plinius.*

Lemma. Dignus Aquilæ nido.

Q Vi cupis magni Oceani lapillos
Nosse mirandos, niueasq. vasti

Æquo-

*Æquoris gemmas, preiosa cunctis
Cernere dona.*

*Echites, custos Aquilæ parentis
Fixus, in nido, rubro colore
Plurimum excedit pretio, latentes*

Æquore gemmas.

*Oris ATCHINGIER geniq; dotes,
Scire quarenti, lapis indicabit,
Urbe, qui Craci, genitus prehendit*

Laurea sortis.

*Ponitur custos, Charitum corona
Laurea, proles Aquila, Scholarum
Principis, nidum celebri Minerva*

Pulcher advenans.

*Purpuram casto sequitur nuptore.
Echites; virtus sua cuiq; splendet,
Palladis succo, medicata fulget,*

Omne per annos.

*Dignus, in nido Iagelonis addi,
Dignus æternâ viridiq; lauru;
Floridos curret, numeretq; semper.*

Nestoris annos.

V. D. A D A M O Z V R O W S K I.

ASBESTON coloris ferri, semel accensus nunquam extinguatur. Alb. Mag.

Lemma. Lucet perennis.

TE certè decuit, prime sodalium
Z V R O W S K I lapis hic qui socius mihi,
Iunctus perpetuo fœdere vinculi.

Vitam vivis Oresteam.

*Exsoluit benè par, quod copulauerat,
Votis ipse meis consocians amor;
Ut quo more dies duximus intimos,*

Hoc sumus Charitum in choro.

B

Ergo

Ergò Palladijs candida fascijs,
Dum plaudenti animo, tempora porrigis.
Quâ semper nituit luce, caput Tuum,

Et nunc, lux Tibi conuenit.

Lux, dicis populi, splendida Arabia:
Asbeti, semel hic tactus ab igneâ
Scintillâ, rutilat tempore plurimo.

Hoc Tu munere congruo

Splendes: conspicuâ nobilis indole,
Luces perpetuò, lumine Apollinis,
Accensus, rutilas igne scientiâ.

Almæ, cui bene iungitur,

Affectus, Lechicæ Pallados, igneus:

Quo (fidi Socij cura per optima)

Vincis Pitrithoum, cedat Oresteus,

Orphêi; in socios amor.

Ergò deliciæ Matris eris Tuæ,

Quæ, dum Te, Cathedris ponit in arduis,

Asbestum indicium, præ manibus tene.

Quod sis semper amor meus:

V. D. A N D R E Æ K R O W I C K I.

*CHELIDONIVS Lapis nigri coloris, extrahitur ex intestinis hirundinis.
ferenti conciliat facundiam. Plinius.*

Lemma. Fecunda facundia.

CVI suaue plectrum tangere Arionis,
Aut Vatis est fas, Odrysij Lyram.

Quâ primus undas, hic Tyrannum
Cerberæa cicuravit aula.

Is eloquatur Pegaseum melos,
Plectro sonanti, vel melos Atticum,
Viris coaquet, laude dignis.

Ipse chelij, eloquio, clarus.

Inops,

*Inops, negato munere desino,
 Ferre magnis aethera laudibus,
 At Munus è gazà Minerva,
 Accipe conspicuum KROWICKI,
 Fecunda dono Munera, splendido
 Facundiâ: visè en Chelidonium;
 Nigro refu'gentem colore,
 Optima dat studij Magistra.
 Hunc rupta profert alius hirundinis;
 Te nostra Pallas, viscere prodidit.
 Atro calore gaudet ille;
 Tu vitij's inimicus atris.
 Donat ferenti dulci loquum decus,
 Est & fauorem, concilians lapis;
 His Te coronatum venusti,
 Doribus, aspicimus lapilli.
 Cœgit aliam fors Academiam,
 Suadamq; flexit, cum sibi Laureas
 Deferre suasset, quæis per animum
 Vire; diu, vice, & perenna.*

V. D. MARTINO GRADKIEWICZ.

MEMPHITES lapis ab Vrbe Memphi mitigat dolores. Alb. Mag.

Lem: Spes maxima laurûs.

MEmphiticum quicumq; cupis cognosse lapillum,
 In Te GRADKIEWIC, eminet iste lapis.
 Memphis nobilibus, splendet speciosa metallis:
 Nobilior non est, Memphite, in Vrbe lapis,
 Splendet & hæc laurus, multis Academica gemmis.
 Ingenij gemmâ gratior vllus adest.
 Grande sapit pretium, non est pretiosior illo;
 GRADKIEWIC dorum qui rogo census erit!

Eximiâ hic lapis, est blandæ medicina salutis:
 Est tua pectoribus, mellea suada salus.
 Est & multorum domitor sine labe dolorum;
 Memphiticum porta, iam premis omne malum:
 Jo! cui lemma datur fato spes maxima laurûs
 Fac confors Laurus, iam premat omne malum:
 Et facies (si Phoebus ego) hoc mihi letnata fantur,
 Spes Iagellonica, & tu mera Vita Scholæ.
 Nunc dum Palladijs obtuallas temporâ fertis:
 Accipe, quod nato, potrigit alma Parens.

V. D. A D A M O I U R K I E W I C.

ISTHMOS Lapis in partibus Hispania, & iuxta Gades Herculis, reperitur; vestri
 impositus non permittit eam comburi; sed de igne nitere facit. Isidorus.

Lem: Semper Virens.

NON est (crede mihi) periculosum
 Extremam penetrare amando Tulem.
 Incurtosq; Lybes, vadumq; Iberi,
 Scruari: stygiam per undam amor fert.
 IURKIEWI? Herculeas petendo Gades,
 Munus Divæ Parens, tuo decori
 Par scrutata tulit. Ceres amavit
 Sic natam; ut stygias adisset undas:
 Orpheus Euridicen. Amore Matris
 Certè perpetuò virebûs; Isthmus,
 Igni qui medio, virescit almus,
 Te semper nitidum virente lauru
 Reddet. Te Tyrias adusq; Gades.
 Attollet, speciosa famâ sacris
 Quem Phœbus Tyrio notat lapillo.

V. D. J O A N N I S E R W A C K I.

AGATHES Est lapis niger, albas venas habet, & confert cordi Vires, Aaron.

Lem: Recreat cor Palladis.

A Gathas niger est, sed nitidus lapis.
 Cui albens medio, vena decus dedit:
 Huic vis pestiferum pellere virus, &
 Cor lassum Herculeis reddere Viribus.
 SERVACKI celebri nunc Tibi laureâ,
 Offert Diua Parens, munera splendida
 Agathen, proprium moribus optimis.
 Nam fuscus color huic, est humilis color:
 Te Virtus decorat rara modestia.
 Alba huic Vena nitet: vena scientiæ
 Succo tincta Tuæ Palladis, albicat.
 Sit Chiron medicâ corniger optimus
 Arte, & Phœbigenæ munere Virbius
 Vinat. Nostra Tuis Laureæ dotibus,
 SERWACKI Valet, & cor recreat satis
 Ergo iam Charitum scande Palatia,
 Lauri conspicuus, quam peperit Tibi
 Virtus, & labor, & diua scientia:

Testis grati animi in pignus amicitia.

V. D. CASIMIRO TUROBOLSKI.

Primo Prima Laureæ Candidato.

F I R

V. D. ADAMUM ZUROWSKI

Eiusdem Laureæ Candidatum.

DECLARATVS.

Quid meum frustra calamum fatigas
 Quid Tuas laudes celebrare cogis
 O mei semper CASIMIRE magna
 Portio cordis.

Non mihi vis hac, decus hoc Camænis

Ba

Crede

Crede Cyrrhaï, labor, erudita

Iste depositis Ciceronis ora

Eloquiumq.

Roxie gentis decus, atq. Suada

Tullij, Stoæq. iubar corruscum:

Flos Camanarum, & reuidentis alta

Gloriâ laurûs.

Nos Erythreis decoras Lapillis

Aureo torqui decorandus ipse:

Cui parem Ganges, nec habet la. illum,

Dona nec Indus.

Ergò quod non fert Hebrus aut Hydaspes

Pallas at præstat celebris, perennem:

Tu feres laudem Tua vincet ipsum

Fama. Periclem.

E P O S

Ad V.D. CASIMIRVM TYROBOLSKI.

V.D. MARTINO GRADKIEWIC.

Prima Laureæ Candidato.

Et iam vicino tangamus barbita plectro.

TAndem meorum prime sodalium
Præclara gentis dos TYROBOLSCIÆ:

Insigne Musarum, bonumque.

Delicium Charitum: secundis

Procede felix omnibus NEPOS

Nutritus almæ Palladis in sinu,

Teatra adi doctis Sophorum

Ingenij radiata factis.

Laudis

Laudis futura, Tu solitum decus,
 Celsos honorum prende gradus, Tibi
 Quæ fabricauit ipsa Virtus
 Seclâ ferent moritura nunquam.
 Fortuna fallax, quæ dubia vice
 Vbiq; turbat singula, non minus
 Constans; quàm in æquales procellæ
 Aeolijs agitata ab Austris.
 Liuore si fors inuideat Tibi
 Nihil mereri, noxia sentiat,
 Plus dotibus mentis potitus,
 Nobilior nisi vt ipse fias.
 Quantum minaci scœuiet hæc rota
 Tanto retundens fortius impetum,
 Merces sibi futura Virtus
 Herculeo rescabit ausu.
 Capesse felix Symbola Laureæ,
 Et vsitatas laudis adoreas,
 Gemmasq; quas nobis dicasti
 Ipse feras radiante seruo.

OPVLENTISSIMÆ PRETIOSISSIMÆ
 FERTILISSIMÆQ;

Doctrinæ & Virtutis opum in Orbe Sarmatico,
 METALLI-FODINÆ

ALMÆ MATRI ACADEMIÆ CRAC:
 Scholarum Sarmatiæ Principi & Regina.

JO. Per orbem Sancta PARENS Tuus
 Crusca tangens æthera laudibus
 Ibis triumphans; hydra frendens
 Dum cecidit Lechica in oris.

*Perosa florens Cracidos inclita
Nomen Minerua dente peruerat
Iniuriosæ sed repulsa
Senserat horribilem ruinam.*


*Latere Mater Climatis Arctoi
Vatum Poloni gloria Nominis:
Vertex Apollinis renidens*

*Castalidumq; Parens sororum.
Nam sola Doctos sola creas Viros,
Toto celebres Orbe Polonia,
Mentesq; replet molliori
Ambrosiâ superumq; suco:*

*Quot Sancta MATER nunc Tibi Filij
Sunt cerne nati, terne decus Tuum,
Princeps metalli quot fodina,
Eniteas pretiosa gemmis?*

*Opes recludis Munera splendida
Gemmas & aurum non Arabum aut Phrygum,
Sed Garge ditiora Hebroq;
Præmia das Charitum Corona.*

*Ergo per Orbem regnaq; gentium
Felix perenna: laudibus æthera.
Imple Tusq; duc Triumphos
Nobilibus comitata factis.*



*Sub Felicibus Auspicijs,
Perillustri Magnifico & Admodum Reuerendi Domini,
D. M. ADAMI ROSCZEWIC.*

*I. V. D. Et Professoris Canonici Cracouiensis Ecclesie S. Omnium
Archidiaconi Præpositi S. NICOLAI, &c. &c.*

Almæ Vniuersitatis Cracouiensis Studij Generalis

R E C T O R I S

Vigilantissimi.

39.1.18



